



## **Universitätsbibliothek Paderborn**

### **Exemplorvm Libri Tres**

Liber Secvndvs, Siue Exempla, In Septem Capitalivm Vitiorvm  
Detestationem, Per Qvadragesimam, Anno M. DC. XLVI. narrata

**Stengel, Georg**

**Ingolstadii, 1650**

§. 6. Magistratus non irascentis culpa.

[urn:nbn:de:hbz:466:1-48186](#)

Quare & defectus iræ iudicium rationis consequentis, vitiosus est; est enim defectus motus simplicis in voluntate, quo aliquis, nō tam ex passione, sed, ex judicio rationis pœnam infligit, ideoque non tam irasci dicitur, quām judicare. Quamuis & hic ipse simplex motus voluntatis *ira* appelletur. Ex quo necessariò, in homine, sequitur motus appetitus sensitiui, qui est cum passione, & cum corporis alteratione, vocaturque & ipse *ira*. Quoniam autem natura ita constituti sumus, ut in nobis appetitus inferior sequatur motū appetitus superioris, nisi aliquid repugnet; idcirco motus iræ in appetitu sensitiuo, non potest penitus desicere, nisi per subtractionem vel debilitatem motus in voluntate existentis. Hinc fit, vt, sicut defectus voluntarij motus ad puniendum, iuxta iudicium rationis, est vitiosus, etiam defectus passionis iræ fiat vitiosus. Deficit ergo ira hac & passionis, & rationis, in parentibus, qui filios peccantes non plectunt; cum iisdem ipso à summo iudice plectendi. Et, licet *Comica lenitatis hi patres, tragica asperitatis illi* sint, neutriique laudandi, efficit ramen plerumque lenitas, quām asperitas filios deterriores. Quibus parcere, est eos occidere. Vixissent longè diutius filij sacerdotis Heli, si eos parens castigasset: lenitate sua & ipse mortem incurrit, & filijs vitam accidit, clemens homicida.

Neque aliorum indulgentiā corrupti, in eorum laudes eunt, à quibus corrigi eos oporteret. Ut enim Diogenes Cynicus, cùm esset conspicatus indecenter voracem puerum, pædagogo plagam incussit, inferens: *Vt quid ita imbus?* ita iram quoque Numinis experientur, qui, quando officium exigit, non irascuntur. Sunt autem in hoc numero, non Pædagogi tantum & Magistri, qui sibi concreditos clientes discipulosque vino madidos, sine indignatione, aspiciunt; & non raro ipsi, vt profundiūs immergantur, propinant, vrgent, docent, non orare, sed potare, vt discipulos habeant ebrietatis; non, inquam, in hoc numero hi tantum sunt; sed alti etiam Magistratus, Principes, Reges, Imperatores. Celebrabatur aliquando Charillus, ibi Archidamas subiunxit: *Quinam hic bonus sit, qui nec improbus est acerbus?* Magistratum, Principem, Regem, imperatorem, fulminilli similem esse decet, quod mollia non ludit, dura conterit: ita enim & illi amabiles esse debent probis, improbis seueri; quia illi suavitate, isti metu reguntur. Improbus,

R 3

VI.  
MAGISTRATVS  
NON IRAS-  
CENTIS CVL-  
PA.  
Cælius lib. 26  
cap. 27.

Plutarch. de  
discernendis  
adulatoribus,

qui

qui non timet, quid quis audet. Princeps ergo, qui non potest irasci, qui bille caret, qui columba sine felle, agnus sine dente vocatur, quia non metuitur, meritò ipse metuere debet iram Dei omnipotentis. Est enim caussa maximorum, in Repub. malorum. Nulla sub eo iustitia, nulla securitas; sed perfidiæ, proditiones, libidines, & omnis iniquitatis ac impuritatæ machinationes, sub eo, vigent. Venduntur iudicia, emuntur sententiæ, proscribuntur leges; & pecunia ab hoste donata æquè est chara, ac si à Principe proprio venisset. Quid enim aiunt, si fraus succedit, opes crescent: si deprehendor, non periclitor, Princeps enim meus, spongia mollier est, nequit irasci; quid igitur obstat, quod minus illius caussam pronunciem esse iustiorem, cuius manum in me experior largiore? Promittit hostis grandia; maiora sunt munera, quam stipendia; illi seruio, à quo plus accipio. Nihil mihi est timendum, sub magistratu non irascente; vigilet ergo audacia, iustitia dormiente. Facere jubet mala, qui non punit. Qui tolerat adulteria, est in alieno crimen adulter. Qui dissimulat malum, facit malum. Ita etiam alioqui bonus princeps, castus rex, & integritatis amans magistratus, caussa est omnium, in ciuitate, prouincia, regnoué, malorum, si nunquam irascitur. Quibus proin meritò dici potest: *Irascimini, & nolite peccare: nam & sine peccato irasci, & ni, cum res exigit, irascamini, peccare potestis.* Hæc ira, non est contra charitatem, sed ad charitatem originem suam refert. Immo odit, qui non punit. Quod enim de filijs, id & de alijs subditis dici intelligique debet. De filijs autem dicitur: *Qui parcit virgæ, odit filium suum: qui autem diligit illum, instanter erudit.* Quantum autem oderit, è D. Chrysostomo accipe: *Hos ergo patres, ait, quod nemo tamen me commotius dicere, quam verius existimet, parcidis ipsis immaniores sceleratoresq; dixerim. Illi enim corpus ab anima disperant; isti & animam, & corpus aternis ignibus tradunt.* Atque is quidem, qui corpore occiditur necessariò naturali lege, etiamsi necatus non fuisset, moreretur: hic vero semperiternam mortem vitare potuisset, nisi hanc illi consciuisset paterna negligentia. Præterea corporis mortem superueniens protinus resurrectionis gloria delere poterit facilime, anima vero interitum nihil soluere poterit, cum sibi nulla tam sit reliqua salutis spes, verum immortales cruciatu lue re cogatur. Itaque non iniuria parentes (& magistratus) eiusmodi deterio-

Prou. 13, 24.  
S. Chrysost.  
lib. 3. aduers.  
vituperato-  
res vit. mon.

deteriores parricidis esse diximus. Hac de causa Sapiens ait: *Tu virga Pro. 23. 14.*  
percutes eum, & animam eius de inferno liberabis.

Quod de Concionatoribus ipsis occini potest. Nam si Cyni-  
corum vertex Diogenes sapienter putatur locutus, quando, auditis  
Platonis laudibus, dixit: *Quid verò habet ille præclari, qui tam diu*  
*Philosophiam professus, nemini acerbis fuit?* quid ad Concionatores  
dicer judex Deus, qui floribus tantum verborum student? qui mul-  
cere aures, non corrigere mores populi volunt? qui iucunda, non  
utilia proferunt? qui semper auditores laudant, nunquam emen-  
dant; Encomiastæ, non Ecclesiastæ? qui, ut ipsi nunquam sunt in  
dicendo vehementes, ita neque alios vñquam commouent vehe-  
menter? vitijs placati, non irati: Mitiones, non Cicerones: deni-  
que *cane muti non valentes latrare, videntes vana, dormientes, & aman-*  
*tes somnia.* Ad hos vtique etiam Deus de cœlo clamat: *Irascamini,*  
*& nolite peccare;* peccabitis, si non irascamini; ira iusta est, contra  
injustos detonare; exagitare impuros; superbos debellare; lurco-  
nibus non parcere; inuidiam stilo confodere; proscribere iracun-  
diām; & in vitiis non esse clementem. Esto, clament, qui, tanquam  
podagrici, se tangi non sinunt: esto, nimium dici videatur illis,  
quibus nullum scelus est nimium. Dixit & Christus vehementer,  
sed dixit vtiliter; dixit ita, ut non possent panem manducare. Et, cùm Marc. 3. 22  
*audissent sui, exierunt tenere eum: dicebant enim: Quoniam infurem*  
*versus est.* Sinite hoc & de vobis dici, concionatores, vos, cum  
Christo, irascimini, & nolite peccare parcendo. Vnusquisque sibi di-  
ci putet: *Clama, ne cesses, quas tuba exalta vocem tuam;* & annuncia  
populo me scelera eorum, & domui Iacob peccata eorum. Sic irasci, est  
fanare, non vulnerare; punire, non insanire: judicare, non præ-  
cipitare.

## PARS SECUNDA.

**H**uc usque de iravtili & moderata libuit procemiari, qua  
irasci quis potest, vt non peccet; nunc, quò tendimus,  
pergemos, ad iram malam perniciosa[m]q[ue] ante oculos  
ponendam. Quæ homini semper in promptu, & ferè quotidiana,  
magnum negotium facessit; immo, ni dometur, ex homine tetur  
ac rabidum canem, enim uero saeuam belluam facit, eumq[ue] ad  
omne

VII.  
CONCIONA-  
TORVM NOM  
IRASCENTIUM  
CVLPA.  
Plutarch. de  
virt. morali.

*Isa. 36. 104*

*et iacob*  
*Isa. 18. 1*

VIII.  
IRAE MALAB  
COMPARATIO